

Վարչական տույժ նշանակելու մասին

«24» մարտի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Հայաստանի Հանրապետության քաղաքացի Հրանտ Միշայի Մուսայելյանի (անձնագիր՝ AV0552513, Սյունիքի մարզ, ք. Ագարակ, Սայաթ-Նովայի փողոց, շենք 3, բն. 18) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2023 թվականի փետրվարի 25-ին ՀՀ քաղաքացի Հրանտ Մուսայելյանը ԻԻՀ-ից մուտք է գործել ՀՄՎ Մեղրիի մաքսային կետ-բաժին: ՀՄՎ Մեղրիի մաքսային կետ-բաժնի աշխատակիցների կողմից ՀՀ քաղաքացի Հրանտ Մուսայելյանի ուղեբեռի զննության արդյունքում հայտնաբերվել է 6 բլոկ ծխախոտ:

Հիմք ընդունելով ԵՏՀ խորհրդի N 107 որոշումը՝ մաքսային մարմնի պաշտոնատար անձը ՀՀ քաղաքացի Հրանտ Մուսայելյանից պահանջել է, սահմանված չափաքանակից ավել ծխախոտները մինչև օրենքով նախատեսված գործողությունների կատարումը թողնել մաքսային հսկողության գոտում, սակայն քաղաքացի Հրանտ Մուսայելյանը՝ չենթարկվելով մաքսային մարմնի պաշտոնատար անձի օրինական պահանջին, հեռացել է մաքսային հսկողության գոտուց, այնուհետև հետ վերադարձել և մաքսային մարմնի պաշտոնատար անձից վերցրել մաքսային զննման գոտում մնացած ծխախոտները:

Նշված փաստի առթիվ Հայաստանի Հանրապետության պետական եկամուտների կոմիտեի Հարավային մաքսատուն-վարչության Մեղրիի մաքսային կետ-բաժնի 4-րդ բաժանմունքի մաքսային տեսուչի կողմից 25.02.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 302-րդ հոդվածի հատկանիշներով:

«Մաքսային կարգավորման մասին» ՀՀ օրենքի 302-րդ հոդվածի 2-րդ մասի համաձայն՝ «Մաքսային մարմնի պաշտոնատար անձի՝ մաքսային ոլորտին վերաբերող օրինական պահանջը չկատարելը՝ առաջացնում է տուգանք՝ հարյուր հազար դրամի չափով»:

ՀՀ քաղաքացի Հրանտ Մուսայելյանը փոստով պատշաճ ծանուցվել է գործի քննության վայրի, օրվա և ժամի մասին, սակայն չի ներկայացել գործի քննությանը, գրավոր որևէ դիրքորոշում կամ բացատրություն չի ներկայացրել:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Վարչական վարույթի նյութերի ուսումնասիրությունից պարզվում է, որ Հայաստանի Հանրապետության քաղաքացի Հրանտ Մուսայելյանը մաքսային մարմնի պաշտոնատար անձի՝ մաքսային ոլորտին վերաբերող օրինական պահանջը չի կատարել:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 301-րդ, 302-րդ հոդվածի 2-րդ մասով, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Քաղաքացի Հրանտ Միշայի Մուսայելյանին «Մաքսային կարգավորման մասին» ՀՀ օրենքի 302-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

2. Որոշման մասին հայտնել քաղաքացի Հրանտ Միշայի Մուսայելյանին:


3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն՝ «Վարչական տույժ նշանակելու մասին» մաքսային մարմինների որոշումը կարող

է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված պուգանքի վճարման հաշվեհամարն է. 900005024055՝ 100000 ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ